

KANTON SARAJEVO

SKUPŠTINA KANTONA SARAJEVO

NAROD I PRAVDA

Danijela Kristić, zastupnica

OPĆA BOLNICA DR.ABDULAH NAKAŠ

PREDMET: INICIJATIVA

Ovim putem podnosim inicijativu za za uvođenje prakse korištenja heklanih hobotnica na odjelu neonatologije OPĆA BOLNICA DR.ABDULAH NAKAŠ u inkubatorima, posebno za prijevremeno rođene bebe.

Navedena inicijativa ne iziskuje dodatne finansijske troškove, jer ima interesanata koji žele donirati heklane hobotnice.

Obrazloženje:

Obzirom da imam saznanja da je OPĆA BOLNICA DR.ABDULAH NAKAŠ prihvatila jednu donaciju heklanih hobotnica i da je Uprava bolnice raspoložena za uvođenje prakse korištenja hobotnica, podnosim navedenu inicijativu. Takodjer želim navesti da konkretan odgovor na ovu inicijativu nisam dobila od KCUS, te se nadam da će Opća bolnica dr.Abdulah Nakaš uvesti korištenje heklanih hobotnica kao prva klinika u Kantonu Sarajevo.

Projekat pomoći nedonoščadima pomoću hobotnica-čudesnica postoji od januara 2013. godine i veoma je popularan u Holandiji, Švedskoj, Belgiji, a od 2018.godine i u drugim zemljama i na svim kontinentima. Anketa sprovedena na konferenciji neonatologa u Ukrajini 2015, dala je sljedeći rezultat: 48 od 50 neonatologa izjavilo je da je uočilo boljitak od korišćenja pletene hobotnice u oporavku nedonoščadi. Ovakva ocjena motiviše dalji razvoj projekta.

Inkubatori mogu zaista biti zastrašujuća i usamljena mjesta za prijevremeno rođene bebe, a upravo zbog toga su liječnici u Danskoj još 2013. godine došli do originalne ideje proučavajući bebe s hobotnicama. Otkrili su da su prijevremeno rođene bebe koje su u svojim prvim danima uz sebe imale heklane hobotnice poboljšale svoje disanje, imale pravilne otkucaje srca i više nego zadovoljavajuću razinu kisika u krvi, a osim što se pokazalo da male hobotnice pozitivno utječu na ukupno zdravstveno stanje - imale su i odličan smirujući utjecaj na bebe. Pokazalo se da se beba kada ručicom uhvati krak hobotnice smiri, disanje joj se stabilizira jer osjeća sigurnost kao dok je bila u maminom trbuhu i mnogi ih nazivaju hobotnice čudesnice.

Rade se po strogim pravilima u interesu zdravlja bebica i ta pravila su jedinstvena u cijelom svijetu. Starijoj djeci s odstupanjima u neurološkom razvoju ljekari takođe savjetuju upotrebu heklanih hobotnica – kao vježbe za razvoj sitne motorike ruku. Istraživanja pokazuju da se mnoga takva djeca, igrajući se hobotnicama-čudesnicama, umiruju i opuštaju. Također pokazale su se dobre u sprečavanju bebica da čupaju sonde, braunile i ostale aparate priključene na njih, tako što bebe posežu za krakovima i time se zaokupiraju.

Na inicijativu majke Zinete iz Tuzle, nakon smrti jedne bebe (blizanci), praksa korištenja hobotnica zaživjela je i u BiH. Prvo su tu praksu prihvatili klinički centri u Tuzli i Mostaru, pa zatim klinike u Doboju, Foči, Bihaću. Cilj je da sve klinike uvedu ovu praksu, tako da smo mišljenja da bi OPĆA BOLNICA DR.ABDULAH NAKAŠ trebala uvesti tu praksu.

Sarajevo 13.11.2019.godine

Zastupnica u Skupštini KS

Danijela Kristić